

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-2474-31/21
Datum: 09.08.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-1807 od 05.04.2021. godine, u ponovnom postupku odlučivanja za postupak javne nabavke pogonskog goriva za motorna vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU O IZBORU NAJPOVOLJNIJEG PONUĐAČA I DODJELI OKVIRNOG
SPORAZUMA ZA LOT 3**

I

Prihvata se preporuka Komisije za sukcesivnu nabavku i okvirni sporazum za javnu nabavku pogonskog goriva za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Green oil d.o.o. Sarajevo, i to za:
 - ✓ LOT 3- sukcesivna nabavka pogonskog goriva na lokaciji općine Novo Sarajevo za ponuđenu cijenu od 116.998,64 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 1 (jedne) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke.

Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču za LOT 3 Green oil d.o.o. Sarajevo po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

III

Ponuđač Green oil d.o.o. Sarajevo dužan je da u roku od 5 (pet) dana od dana prijema ove Odluke dostavi dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

IV

Ova odluka stupa na snagu danom donošenja.

Obrazloženje

Na osnovu Odluke broj: 02-11-4-2474/21 od 11.05.2021. godine i Obavještenja o nabavci broj: 16475-1-2-29-3-47/21 od 12.05.2021. godine, proveden je otvoreni postupak javne nabavke pogonskog goriva za motorna vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-2474/21 od 22.06.2021.godine, za aktivno učešće u postupku za LOT 3 - sukcesivna nabavka pogonskog goriva na lokaciji općine Novo Sarajevo dostavljene su ponude ponuđača Energopetrol d.d. Sarajevo i Green oil d.o.o. Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-2474-6/21 od 09.07.2021. godine.

Shodno rezultatima pregleda i ocjene ponuda i rang listi prihvatljivih ponuda prema kriteriju ekonomski najpovoljnija ponuda Komisija je ocjenila prihvatljivom ponudu ponuđača Energopetrol d.d. Sarajevo, i to za:

- ✓ LOT 3 – sukcesivna nabavka pogonskog goriva na lokaciji općine Novo Sarajevo sa ukupnom cijenom ponude u iznosu od 123.109,18 KM bez PDV-a,

te je donesena Odluka o izboru najpovoljnijeg ponuđača i dodjeli okvirnog sporazuma broj: 02-11-4-2474-9/21 od 14.07.2021. godine kojom je okvirni sporazum za LOT 3 dodijeljen ponuđaču Energopetrolb d.d. Sarajevo.

Dana 23.07.2021. godine zaprimljena je žalba ponuđača Green oil d.o.o. Sarajevo na Odluku o izboru najpovoljnijeg ponuđača i dodjeli okvirnog sporazuma broj: 02-11-4-2474-9/21 od 14.07.2021. godine. Žalba je ocjenjena kao blagovremena, dopuštena i izjavljena od strane ovlaštene osobe.

U žalbi ponuđač navodi da: „ponuđač Energopetrol d.d. Sarajevo na stranici 17. svoje ponude dostavlja Izjavu o cestovnoj udaljenosti najbliže benzinske pumpe, a to je benzinska stanica Energopetrol Pofalići, ul. Hamdije Čemerlića br. 1, Novo Sarajevo, te navodi da je benzinska stanica Pofalići udaljena 2,1 kilometar (dvijehiljadeisto metara) na relaciji policijska stanica – benzinska pumpa – policijska stanica na teritoriji općine Novo Sarajevo.

Zapisnikom o pregledu i ocjeni ponuda broj: 02-11-4-2474-6/21 od 13.07.2021. godine, Ugovorni organ u prilogu zapisnika dostavlja mape cestovne udaljenosti benzinska pumpa – policijska stanica, kao i policijska stanica – benzinska pumpa, utvrđene korištenjem aplikacije google maps, za sve ponuđače za pripadajući lot za koji su dostavili ponudu, pa između ostalih i za ponuđača Energopetrol d.d. Sarajevo za LOT 3, gdje možemo vidjeti da je put od benzinske pumpe do policijske stanice u ulici Zmaja od Bosne 15 udaljen 800 metara (preko Hamdije Čemerlića i Zmaja od Bosne/M18), te da je put od Zmaja od Bosne 15 do BS Pofalići udaljen 1,3 kilometra (preko Zmaja od Bosne/M18), te preko Put života 1,7 km.

Ugovorni organ prihvata udaljenost benzinska pumpa – policijska stanica u iznosu od 800metara i policijska stanica – benzinska pumpa u iznosu od 1,3 kilometra, što u zbiru daje 2,1 kilometar udaljenosti.

Ponuđač ENERGOPETROL d.d. Sarajevo je doveo u zabludu Ugovorni organ, jer je isti prihvatio tu udaljenost, a zanemario kršenje Zakona o osnovama bezbjednosti saobraćaja na putevima BiH, iz razloga što put policijska stanica - benzinska pumpa (preko Zmaja od Bosne/M18) ima Znak izričite naredbe, tj. znak Zabranjeno polukružno okretanje, te samim tim ovaj put nije mogao biti uzet u obzir ni u kojem slučaju jer bi Ugovorni organ svaki put morao kršiti Zakon o osnovama bezbjednosti saobraćaja na putevima u BiH, ukoliko bi išao ovom rutom.

Naime, na raskrsnici kod Historijskog muzeja BiH, tj. kod tramvajske stanice Tehnička škola A, postavljen je znak Zabranjenog polukružnog okretanja, i samim tim ovaj put nije mogao doći u obzir, jer se krši Zakon o osnovama bezbjednosti saobraćaja na putevima u BiH, osnovni principi

međusobnih odnosa i ponašanja učesnika u saobraćaju i drugih subjekata u saobraćaju, bezbjednost saobraćaja na putevima, sistem saobraćajnih znakova i znakova koja daju ovlaštena lica, a to sve predstavlja navedeni zakon.

Uvidom u sistem i postavljanje saobraćajnih znakova kod Ministarstva saobraćaja Kantona Sarajevo, možemo vidjeti da ovaj znak postoji i stoji na navedenom mjestu.

Ponudač je bio dužan navesti udaljenost u iznosu od 2,5 kilometara, to jest benzinska pumpa – policijska stanica u iznosu od 800 metara (preko Hamdije Čemerlića i Zmaja od Bosne/M18), te udaljenost policijska stanica – benzinska pumpa preko Put života u iznosu od 1,7 km.“

Razmotrivši navode žalbe Uprava policije Ministarstva unutrašnjih poslova Kantona Sarajevo je utvrdila slijedeće:

da je ponudač dostavio izjavu o cestovnoj udaljenosti na osnovu pogrešnog činjeničnog stanja, odnosno ista nije u skladu sa tačkom 13.3. pod b) TD koja glasi:

„**Cestovna udaljenost benzinske pumpe podrazumijeva ukupnu dužinu puta kojim se kreće motorno vozilo, na relaciji policijska stanica - benzinska pumpa – policijska stanica na teritoriji općine-lota za koji dostavlja ponudu do 1 (jedne) najbliže raspoložive benzinske pumpe ponudača izraženu u km (kilometrima) uključujući i dužinu prilaznih puteva od navedene policijske stanice do 1 (jedne) najbliže raspoložive benzinske pumpe ponudača koja ima u ponudi tražena goriva, a koja radi 0-24 sata dnevno sedam dana u sedmici, kao i način i uslove kojima je na toj udaljenosti regulisan saobraćaj...“

- u kontekstu ispunjavanja tehničke i profesionalne sposobnosti u postupku nabavke roba (član 49. Zakona), ponudač Energopetrol d.d. Sarajevo je na strani 17. svoje ponude dostavio Izjavu o cestovnoj udaljenosti najbliže benzinske pumpe, u kojoj je naveo da je benzinska pumpa na Pofalićima ul. Hamdije Čemerlića 1, Novo Sarajevo udaljena 2,1 km (2.100 m) od parking prostor ispred policijske stanice Novo Sarajevo – adresa Zmaja od Bosne 15, na relaciji policijska stanica – benzinska pumpa – policijska stanica. Ponovnom provjerom cestovne udaljenosti pomoću aplikacije google maps, utvrđeno je da je ponudač Energopetrol d.d. Sarajevo računao cestovnu udaljenost od policijske stanice do ponudene benzinske pumpe preko ulice Zmaja od Bosne/M18. Naime, na raskrsnici kod Historijskog muzeja BiH, tj. kod tramvajske stanice Tehnička škola A, postavljen je saobraćajni znak (II-31) – zabrana polukružnog okretanja.

Član 126. Zakona o osnovama sigurnosti saobraćaja na putevima u BiH (Sl. glasnik BiH br: 6/06, 75/06, 44/07, 84/09, 48/10, 18/13, 8/17, 89/17 i 9/18) kaže:

(1) Vozila službe hitne pomoći i vatrogasna vozila, kada posebnim uređajima daju svjetlosne i zvučne znakove, imaju pravo prvenstva prolaza u odnosu na sva druga vozila (član 49.), osim u odnosu na vozila koja se kreću raskrsnicom na kojoj je saobraćaj reguliran svjetlosnim saobraćajnim znakovima ili znakovima ovlaštenog lica, i na njih se ne primjenjuju odredbe o ograničenju brzine (član 44. i 46.), zabrani preticanja i obilaženja kolone vozila (član 61. stav (1) tačka 1)) i zabrani presijecanja kolone pješaka (član 80.), pod uslovom da ne ugrožavaju sigurnost drugih učesnika u saobraćaju.

(2) Vozila policije i sudske policije, zatvorske policije – straže, vojna vozila i vozila Granične policije Bosne i Hercegovine, kada posebnim uređajima daju svjetlosne i zvučne znakove, imaju pravo prvenstva prolaza u odnosu na sva druga vozila (član 49.), osim u odnosu na vozila iz stava (1) ovog člana, vozila pod pratnjom (član 125.) i vozila koja se kreću raskrsnicom na kojoj je saobraćaj reguliran svjetlosnim saobraćajnim znakovima ili znakovima ovlaštenog lica, i na njih se ne primjenjuju odredbe o ograničenju brzine (član 44. i 46.), zabrani preticanja i obilaženja kolone vozila (član 61. stav (1) tačka 29 1)) i zabrani presijecanja kolone pješaka (član 80.), pod uslovom da ne ugrožavaju sigurnost drugih učesnika u saobraćaju.

Shodno tome, navedeni saobraćajni znak II-31 (zabrana polukružnog okretanja) odnosi na sva vozila, pa i na vozila Ugovornog organa, odnosno na vozila policije, bez obzira da li imaju uključene uređaje koji daju svjetlosne i zvučne znakove ili ne, te shodno tome cestovna udaljenost u izjavi o cestovnoj udaljenosti priloženoj u ponudi nije prihvatljiva, odnosno nije tačno utvrđena.

Uvažavajući žalbeni navod Žalioca „Green Oil.“ d.o.o. Sarajevo Komisija je na osnovu propisanog iz

tačke 13.3. pod b) TD izvršila provjeru i utvrđivanje činjeničnog stanja za cestovnu udaljenost ponuđene benzinske pumpe ponuđača „Energopetrol d.d. Sarajevo“:

„Ugovorni organ po konkretnom postupku zadržava pravo provjere i utvrđivanja cestovne udaljenosti 1 (jedne) najbliže raspoložive (ponuđene) benzinske pumpe ponuđača te u vezi s tim i obračuna operativnog troška. Provjeru i utvrđivanje cestovne udaljenosti benzinske pumpe ugovorni organ će izvršiti putem aplikacije google maps ili google earth pro, na način da će utvrditi početnu tačku (benzinsku pumpu ponuđača sa radnim vremenom 0-24 sata dnevno sedam dana u sedmici) i krajnju tačku (policijsku stanicu lota za koji se utvrđuje) te udaljenost između njih.“

Nakon što su razmotreni navodi žalbe ponuđača Green oil d.o.o. Sarajevo, proveden postupak ponovnog pregleda i ocjene ponuda po žalbi i utvrđeno činjenično stanje, donesena je odluka broj: 02-11-4-2474-19/21 od 27.07.2021. godine kojom se usvaja žalba ponuđača Green oil d.o.o. Sarajevo, poništava odluka o izboru najpovoljnijeg ponuđača i dodjeli okvirnog sporazuma broj: 02-4-11-2474-9/21 od 14.07.2021. godine, te predmet vraća na ponovno odlučivanje, a u skladu sa članom 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14).

Shodno naprijed navedenom ugovorni organ je postupio u skladu sa članom 68. stav (3). Zakona o javnim nabavkama BiH („Službeni glasnik BiH“ broj: 39/14). Dakle, ugovorni organ je obavezan poslati zahtjev za pojašnjenje dokumenata koje su ponuđači dostavili u skladu s čl. 45. do 51. ovog zakona, nakon čega će donijeti odgovarajuću odluku.

Dana 02.08.2021. godine ponuđaču Energopetrol d.d. Sarajevo upućen je zahtjev za pojašnjenje priložene dokumentacije u ponudi ponuđača Energopetrol d.d. Sarajevo broj: 02/6-11-4-2474-29/21 za LOT 3.

Prilikom ponovnog pregleda i ocjene ponuda utvrđeno je da je ponuđač Energopetrol d.d. Sarajevo računao cestovnu udaljenost od policijske stanice do ponuđene benzinske pumpe preko ulice Zmaja od Bosne/M18. Naime, na raskrsnici kod Historijskog muzeja BiH, tj. kod tramvajske stanice Tehnička škola A, postavljen je znak zabranjenog polukružnog okretanja. Kako su i vozila ovog Ugovornog organa učesnici u saobraćaju, imaju obavezu poštivanja Zakona o osnovama sigurnosti saobraćaja na putevima u BiH (Sl. glasnik BiH br: 6/06, 75/06, 44/07, 84/09, 48/10, 18/13, 8/17, 89/17 i 9/18), te shodno tome cestovna udaljenost u izjavi o cestovnoj udaljenosti priloženoj u ponudi nije tačno utvrđena. Kako je u tenderskoj dokumentaciji tražena cestovna udaljenost na relaciji policijska stanica - benzinska pumpa – policijska stanica na teritoriji općine-lota za koji dostavlja ponuda, u zahtjevu se tražilo pojašnjenje da se cestovna udaljenost dostavi na prethodno opisan način, koristeći ulice kojima je, u skladu sa pozitivnim pravnim propisima BiH, dozvoljeno kretanje.

Ponuđač Energopetrol d.d. Sarajevo je dostavio odgovor u ostavljenom roku, koji je Komisija procjenila kao zadovoljavajući.

U skladu sa rezultatima ponovnog pregleda i ocjene ponuda i Izjave o cestovnoj udaljenosti najbliže benzinske pumpe ponuđača Energopetrol d.d. Sarajevo rang prihvatljivih ponuda prema kriteriju za dodjelu ugovora „ekonomski najpovoljnija ponuda“ na osnovu konačne rang liste ponuđača čije ponude su prihvatljive:

LOT 3			
Naziv ponuđača	Ukupna ponuđena cijena (P) – 90 bodova	Operativni trošak (U) – 10 bodova	Ukupan broj bodova (T) – 100
Green oil d.o.o. Sarajevo	116.998,64 – 90 bodova	4.100 m – 5,97 bodova	95,97 bodova
Energopetrol d.d. Sarajevo	123.109,18 - 85,53 bodova	2.450 m – 10 bodova	95,53 bodova

Shodno rezultatima pregleda i ocjene ponuda i rang listi prihvatljivih ponuda, Komisija je ocjenila prihvatljivom ponudu ponuđača Green oil d.o.o. Sarajevo, i to za:

- ✓ LOT 3 - sukcesivna nabavka pogonskog goriva na lokaciji općine Novo Sarajevo sa ukupnom cijenom ponude u iznosu od 116.998,64 KM bez PDV-a.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije. U postupku je utvrđeno daje Komisija u svemu pravilno postupila te daje preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom. Cijeneći naprijed navedeno, a u skladu sa članom 70. stav (1), (3) i (6) i članom 69. stav 1. tačka a) Zakona o javnim nabavkama („Službeni glasnik BiH“, broj: 39/14), Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 5 (pet) dana od dana prijema ove odluke, a u skladu sa članom 99. i 100. Zakona o javnim nabavkama BiH („Službeni glasnik BiH“ broj: 39/14).



POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x2
3. Odjeljenju za odnose s javnošću, radi objave na web stranici ovog organa
4. a/a